

tam ding i dawî leh sep tam ding, law tawm ding i dawî leh sep tawm ding, law sangin lawmuna ding na hi sem tam phawt phawt le hin law chu hung tam ziang ding a hi mai hi” tiin ei dawnhu kit hi.

Ka gen nawp pen chu kipakman mu ding kinepna khel lam ah kipiakna leh kochuam hepina ziaak ah Pathian nasep hi Kochuam puitute leh member ten i pawimaw’u chu ahi ti hi a hi. Bang gual sepna nei le hin le, sem leh semlo a, kipakman lei ah leh van ah mu tam ding i kinep uh chun eima kithêm mai i hi’u ti hiat ding ahi. Puitu lopi Mosi hin Kanan gam lua ding a thakla ding dan kha vak ngaitua tia. Gensiatna leh haksatna

tinchang kâlin Israelte Kanan gam a lut dingin a pui a, Pathian in Kanan gam ah a lut ding a phal piak lo kit nalai set a, hiziangta maleh a phunchiak puai ti i mu thei hi. Tulai ah gingtute hi Pathian in Mosi gual in ei bawl le chu banggualin i phun chiak diam uh chu.

Kochuamte hin i sep ding uh hi semphawt mai leu hin Pathian in a sep ding chu hun sem mai dingin ka ngai hi. Eima sep ding semlo ah, Pathian apat ah malsawmna dawn ding bep i ngaitua’u chun Kanan gam lutlote lak a khan pang kha tawl in, Lekhabu a min kiziklo hi kha tawl ding i hi’u. Lalpa’n a thu malsawm ta hen.

Editorial

Pathian puihuaina zalin Khristmas leh Kumthak malsawmna tam tak tawh i mat zaw chiat uh ka ki nem hi. A zangaina ziaka Lalpa’n Kumthak ei belap piak hi ama dawidan ah mang thiam thei dingin in kalsuan chiat gua hitiu.

Kuamthak bulpan i hui tawh kitawnin Synod Khawmpi Vaihawmna chun Pastor/Minister-te sepna bang ahem zat a hei danglam ah. Mizoram a kipatin Administrative Secretary thak nei in Pastor 2 piak be in i um ua. Chun, Pastor 3 in namdetna chang in, Pro. Pastor 2 in kawidetna a chang bawk u’i.

Office a sem dingin Pastor khat kawi be a hi bawk hi. M. Th. zil dingin Pastor 2 phal piak i hi kit u’i. A Kochuamte pankhawmna zalin Manipur Area Kochuam in nasa takin ma a sawn zel hi. Financuial Year beina ding tha 2 umnalai maleh Budget le i khel thei tau hi. Lalpa umpina leh mapuina nasatak i chan zel ziaakun Lalpa’n Lopina chang ta hen !

Chun, Hinna Vâk hi thasinah kisua a hi tak ziaakin Kochuam, a simtute leh Agent ten ngaikhawk ah panla thakit ah a masawmna ding leh a chia hawi zelna dingin pan la hitiun a fee le bat lo gaw ham ham ding dingin i kihatsak u’i. Office lama na kitheng lumlet khenkhat a um ziaakin tuchung hi January leh February tha a hung kigawma, kihethiam hitiu.

Lalpa’n simtute zosia malzawl chiat ta hen !



MPCS MANIPUR AREA

- Rev. Lalhmingsanga
Administrative Secretary

1. Sum dinmun (April 2018-November, 2018):
Thilpiak lamin Kochuamte'n ma i sawn zel u'i. April 2018 - November, 2018 sung ah sum dinmun chu ziagual hi a hi:

1) Pathian gam dinmun (April 2018 – November, 2018)

Sl. No.	Budget Head	2018-2019 Budget	October Receipt	Total Receipt
a)	Pathian Gam	1,80,00,000	19,87,806	1,56,33,985
b)	Anchangham	27,00,000	2,76,851	23,29,400
c)	Gamthak	98,40,000	11,73,627	88,86,081
d)	Sêmtu Chawpna	12,00,00	1,15,945	9,78,180
e)	Sakramen	1,50,000	15,518	1,54,130
f)	Sunday School	72,000	56,944	1,13,042
g)	Kichenna	8,000	2,600	8,750
h)	Damdawi In	30,000	-	42,779
	Total	3,20,00,000	36,29,291	2,81,46,347

2) Pastor Bial chuam chuam Pathian Gam sunlut dan: (April 2018 – November, 2018)

Sl.no	Bial	Nov. 2018	(Apr-Nov, '18)	Thelut zat
1.	Imphal	7,31,590	49,71,000	08
2.	Lamka	5,34,111	43,56,531	08
3.	D. Phailian	4,89,851	41,28,712	08
4.	New Lamka	4,21,520	33,35,080	08
5.	Kangvai	2,55,253	20,96,895	08
6.	Mata	2,43,634	17,82,966	08
7.	Sugnu	1,96,839	17,41,073	08
8.	S. Kawtlian	1,68,865	12,79,500	08
9.	Sharonphai	90,815	5,49,521	08
10.	Delhi Kochuam	89,438	7,06,756	08

ziakin ama kilepsan zosia chu tha chimit vek ding a gua ta, Mosi kiang in a gen ta'i. Zia lai tak ah Mosi'n Pathian a dawnhuna leh a mite â ding ah a kipiakdawna hi a lopi na lawm lawm e! *"Ahi theilo ding leh vang la lekhabu ah ka min la ziksa kha nuaimang kit zaw maiin"* a ti chawt mai ahi. Kochuam puitu ten i ngaitua thak thak uh ngai in ka hia a hi. I belam puite'u â ding ah i hinna chan ngam i hieu em a hilo leh a sa'u ne zing sek puitu i hieu em?

Israel mipite khan le a puitu'u Mosi, mifel leh Pathian tawh kitawn zing bawn gensiatna ding leh phunchiak khumna ding a mu zing ua leh, ei uh puitute hile i hiatlo kalun ei sim zing u'i ti hi i hiat thak uh a pawimaw hi. Puitu leh Pathian Belam enkawltu ding ah têt ah umte, Khanglai puitute, KNP puitute leh Kochuam ah mawpuakna chuam chuam nei zosiate hin i pawimaw pen uh chu,

eima kihepi sang ah belamte hepina hi a hi zaw'i. Belamte'n Pathian a hepina zia ua, Pathian lopina ding ah a thei kham kham ua a bawl uh, thilpiakte, thakuante, pauchapte leh Kochuam a sep ding bâk chuam chuam ah pan a lakna'u daltu, puitu mai i hi khak ding uh hi a lauun khawp mai hi.

Semtu pakhat kiang in, "Pu thakhat in bangzat la law em?" ti ah ka dawt leh, "Ka he puai, a chang leh a tam ah, a chang leh a tawm ah, bangzat law lengle ka kipak hi. Law nei ah Pathian nasep zawk hi a chang leh kisuanla um ka sa zawi", tiin ei dawn hu hi. Semtu dang pakhat kiang ma in, "Pu bangzat thakhat in la law em" tiin ka dawng kit a, a ma chun, "Ka thalaw hi a tawm talua, ka kidai ma ma paw ei" tiin ei dawn hu kit hi. Semtu dang pakhat zia dawtna ma chu ka dawng kit a, a ma chun, "Pathian na chu sem in sem phawt le hin law chu hung um ziang in a, law

a gen a, a umpi ngei ah, Mosi thiamna ah bawl thei ding hilo, thil lamdang tak tak a bawl piak hi, ti i mu thei ahi. Puitu a hina ah hin a thiamna leh pilnate kha pawimaw ma ma ziang maleh, a tak tak a Pathian lopina a muna ding a chun ama (Mosi) thiamna khêl lam ah, khawvel ah thil um theilo ding (miracles) ngen Pathian in ama mangcha in a bawl piak ah, Aigupta Leng Pharaoh na tiang inle a chapa upa pen a chôn khawlaw ahi kha. Pathian in a lopina a suklatna ding a chun, eima mihing hina mai hi chu bangma a hi puai ti a kichian ma ma hi.

Mosi hinna ah thil tepte tâk thupi tak mai chu a mite a hepina hi a hi. Mosi hi Aigupta Leng Pharaoh insung ah seilian hiziang tamaleh Pharaoh chapa ah sak a utlo maina hi a lopi ma ma hi. *Khawvel nawpsakna, hausakna (sum leh pai), lalna leh thuneinate* sangin a mi Israel-te a hepi zawi ti

a kichian ma ma hi. A mi Israel-te a hepi zia kin tual a tha khawlaw hial ahi kha. Tulai ah Kochuam puitute'n i ngaitua ding uh leh zillai i lak ding ua pha ma ma chu, "Mosi gual hin i belamte'u i hepina zia kun khawvel ngai ah dinmun dawium ah i gel teu hi, i nusia ngam na diam uh?" ti hi a hi. I lungthim uh lua lian pen chu, a chung ah i taklat uh Mosi'n a taisante khi hi ding in a ginchak um hi. Kingaitua a ngai takzet ta a hi. Khawvel lopina, hausakna, thuneina, nawpsakna leh thil dang dang, ei sunawk thei dingte taisan ngamlo semtu/puitu i hi'u le chu kingaitua ngai ma ma ding ahi.

I châng têt in a gen gualin in, Mosi'n a mite (belamte) a hepina hi a thuk in a sang ma ma hi ti a kichian hi. Israel mipiten Pathian kilepsan in Bawngno lim, a siamkawm uh a la ho ua, thikthusia Pathian chu a lungna ma ma ta ti i mu'i. Pathian chu a lungnat bek

11. Leilon	58,610	5,25,567	08
12. Munpi	55,106	4,84,939	08
13. Panglian	51,370	3,13,833	08
14. Leijangphai	42,728	2,89,770	08
15. B. Phainuam	38,790	1,67,662	08
16. D. Khawzim	28,393	2,07,033	08
17. Phaipheng	30,121	2,31,486	08
18. Dumlian	27,790	2,17,950	08
19. Kawlhen	23,561	1,92,059	08
20. Phailianbung	13,726	1,21,136	08
21. Jiribam	11,690	1,30,352	08
22. Tungkyaw	11,800	94,000	08
23. Nanphalong	6,100	45,400	08
24. Chingmei	4,290	41,236	07
25. Kalaymyo	3,300	25,960	08
26. CKNP	-	12,000	
Grand Total	36,29,291	2,81,46,347	

2. Sum dinmun (April 2018 – December, 2018):

Thilpiak lamin Kochuamte'n ma i sawn zel u'i. April 2018 - December, 2018 sung ah sum dinmun chu zia gual hi a hi:

<i>Sl. No.</i>	<i>Budget Head</i>	<i>2018-2019 Budget</i>	<i>December Receipt</i>	<i>Total Receipt</i>
a)	Pathian Gam	1,80,00,000	19,12,116	1,75,46,101
b)	Anchangham	27,00,000	2,69,605	25,99,005
c)	Gamthak	98,40,000	11,09,050	99,95,131
d)	Sêmtu Chawpna	12,00,00	1,11,870	10,90,050
e)	Sakramen	1,50,000	7,515	1,61,645
f)	Sunday School	72,000	1,619	1,14,661
g)	Kichenna	8,000	680	9,430
h)	Damdawi In	30,000	-	42,779
	Total	3,20,00,000	34,12,455	3,15,58,802

1) *Pastor Bial chuam chuam Pathian Gam sunlut dan: (April 2018 – December, 2018)*

Sl.no	Bial	Dec. 2018	(Apr – Dec, '18)	Thelut zat
1.	D. Phailian	5,84,820	47,13,532	09
2.	Imphal	5,50,180	55,21,180	09
3.	Lamka	4,36,192	47,92,723	09
4.	New Lamka	4,06,107	37,41,187	09
5.	Sugnu	2,98,292	20,39,365	09
6.	Kangvai	2,81,013	23,77,908	09
7.	Mata	1,87,388	19,70,354	09
8.	S. Kawtlian	1,39,905	14,19,405	09
9.	Sharonphai	1,04,570	6,54,091	09
10.	Munpi	79,052	4,90,818	09
11.	Leilon	69,540	5,95,107	09
12.	Panglian	38,372	5,23,311	09
13.	Leijangphai	37,048	3,26,818	09
14.	Phaipheng	35,772	2,67,255	09
15.	Dumlial	30,450	2,48,400	09
16.	D. Khawzim	28,678	2,35,711	09
17.	B. Phainuam	26,771	1,94,433	09
18.	Kawlhen	20,110	2,12,169	09
19.	Jiribam	19,090	1,49,442	09
20.	Phailianbung	13,915	1,35,051	09
21.	Tungkyaw	11,200	1,05,200	09
22.	Nanphalong	5,700	51,100	09
23.	Chingmei	5,090	46,326	08
24.	Kalaymyo	3,200	29,160	09
25.	Delhi Kochuam	-	7,06,756	08
26.	CKNP	-	12,000	
	Grand Total	34,12,455	3,15,58,802	

3. **Sum dinmun (April 2018 – January, 2019):**

Thilpiak lamin Kochuamte'n ma i sawn zel ua, i Budget uh ₹34,53,686 i khel thei u'i. April 2018 - January, 2019 sung ah sum dinmun chu zia gual hi a hi:

LEKHABU AH MIN KIZIK

- *Upa T Sanga, Lamka Pastor Bial*

“ahin lah tuhin a gitlonau la ngaidam thei ding leh – abi theilo ding leh vang la lekhabu ah ka min la ziksa kha nuaimang kit zaw mai in”, a tia (Exodus 32: 32).

I Bible châng tel uh hi a loپی ma ma ziang a, ngaituana tam tak ei neisak thei hi. Mosi hin Pathian Lekhabu ah a min kizik ahi ngei na'i ti hi a hechian ma ma'i ti a hiat thei hi. Pathian tawh a kikâl ua kizawpmatna hi a hawi ma ma chu hi ding ah hia, lekhabu ah a min kizik leh kiziklo natiang le kichian tak ah a hiat thei mai hi a loپی ma ma hi.

Puitu loپی zaw ahi.

Mosi chanchin hi gentam ngailo ah le i hiat chiat sa'u ahi. Pathian in Israel mipite a saltannau apat ah puidawktu dingin a têt a, Mosi hinkhua ngaitua tâk tak mai chu Pathian in a telna a nial hi a hi. Mosi hin Pathian a za lo ziak ah Pathian kona a nial hilo ahi. A hin la suanlam a siam dan apat ah kilang chian ma ma chu puitu hina a haksat dan leh mawpuakna a let dan a hetchian ma ma zia kin a seppitinlo khak ding a lau ma ma ah, a kilep tei tei

Mosi hi i hiat chiat gualun mi naran mai a hi pua, Aigupta thiamna leh pilna zosia zilzo a hi. Himaleh, bangziak ah Pathian in Mosi a ko a khan kisuanglo leh suanlam siam ahi diam? Keima ngaidan mai mai a chun ama thil hitheina ah mipite pui ding ah a kingai ziak leh Pathian in a umpi zing lo khak ding a lau ziak hi dingin ka gel hi. Zia ziak a chun, Pathian in Mosi kiang in hun umpi ding ka hi tiin

- b) **Muratori lekhabu mudawk (Muratorian Fragment AD 170):** Zia hi a zik tu diktak hiat a hi puai. French mi L.A Muratori in 1740 ah a mu daw aki pat in zia min hi a pu ta a hi. I & II Peter, I,II,III Johan, Jacob leh Hebraite tilo Thuthung Thak bu dang te hi akim vek ta a hi.
- c) **Origen (AD 185-254):** Alexandria lam ah Pathian thuthiam hin, Jakob leh Juda ti lou hi chu a pawm vek thei ah. A ngaisan dan vang aki bang vek puai.
- d) **Eusebius (AD 260-340):** Kaisaria Bishop Eusebius hin AD 325 ah Pathian lekhabu ding ah a hiat te chu a kaw chuam kit ah, Thupuan bu leh Hebraite pawm hak a sa deu hi.
- e) **Athanasius (AD 296-373):** Alexandria lam mithiam hin Thuthung Thak tu ah I nei gual gual uh siam tu a hi pen

mai hi. Kum AD 367 ah Kochuamte lekha a thawt ah Thuthung Thak Lekhabu ding ah pawm ding a guat fel ah ziate chu tu ah Thuthung Thak lekhabu 27 i nei teu hi a hi. Zi a hi Hippo khawmpi AD 393, Carthage khawmpi AD 397, Constantinople Quinisextine Council AD 692 te a chun namdet a hia, gen buai zui a um ta puai.

Thukisua hi Rev Dr L. H. Rawsea leh (L) Rev Dr Chuanliana te zik "Thuthlung Thar zirna" lekhabu apat ledaw a hi.

1) Pathian gam dinmun (April 2018 – January, 2018)

Budget Head	2018-2019 Budget	January Receipt	Total Receipt	Balance of Budget	Excess of Budget
a) Pathian Gam	1,80,00,000	21,42,731	1,96,88,832	-	(+)16,88,832
b) Anchangham	27,00,000	3,39,771	29,38,776	-	(+)2,38,776
c) Gamthak	98,40,000	12,44,374	1,12,39,505	-	(+)13,99,505
d) Sêmtu Chawpna	12,00,00	1,41,679	12,31,729	-	(+)31,729
e) Sakramen	1,50,000	18,360	1,80,005	-	(+)30,005
f) Sunday School	72,000	5,069	1,19,730	-	(+)47,730
g) Kichenna	8,000	2,080	11,510	-	(+)3,510
h) Damdawi In	30,000	820	43,599	-	(+)13,599
Total	3,20,00,000	38,84,884	3,54,53,686	-	34,53,686

2) Pastor Bial chuam chuam Pathian Gam sunlut dan: (April 2018 – January, 2019)

Sl.no	Bial	Jan. 2019	(Apr – Jan 19)	Thelut zat
1.	Imphal	6,14,040	61,35,220	10
2.	D. Phailian	5,74,992	52,88,524	10
3.	Lamka	4,70,036	52,62,759	10
4.	New La mka	4,37,339	41,78,526	10
5.	Mata	2,73,493	22,43,847	10
6.	Delhi Kochuam	2,61,463	9,68,219	09
7.	Sugnu	2,53,594	22,92,959	10
8.	Kangvai	2,49,625	26,27,533	10
9.	S. Kawtlian	2,29,616	16,49,021	10
10.	Munpi	80,861	5,71,679	10
11.	Leilon	68,930	6,64,037	10
12.	Panglian	54,678	5,77,989	10
13.	Leijangphai	51,599	3,78,417	10
14.	Sharonphai	49,350	7,03,441	10
15.	Kawlhen	44,011	2,56,180	10
16.	D. Khawzim	32,953	2,68,664	10

17. Dumlian	29,755	2,78,155	10
18. Phaipheng	29,280	2,96,535	10
19. Jiribam	22,450	1,71,892	10
20. Phailianbung	22,459	1,57,510	10
21. B. Phainuam	21,000	2,15,433	10
22. Tungkyaw	14,010	1,19,210	10
23. Nanphalong	6,050	57,150	10
24. Chingmei	-	46,326	08
25. Kalaymyo	3,300	32,460	10
26. CKNP	-	12,000	
Grand Total	38,94,884	3,54,53,686	

4. Manipur Area Music Festival

October 19-21, 2018 sungin VPC Hall, New Lamka mun ah Manipur Area Music Festival chu lawk takin mat zaw a hi. Zia hun ah hin Solfa leh Lenkhawm Lâ kidemna, La zilkhawmna leh Pathian pâkkhawmna nei a hi.

5. Synod Kikhawmpi 2018

2018 Synod Kikhawmpi chu 5-9 December, 2018 sungin Electric Veng Kochuam Biakin ah lawk takin mat zaw a hi tai. Manipur Area apat Palai chia dan chu ziagual hih a hi:

<u>Sl. No.</u>	<u>Presbyteries</u>	<u>Palai hisa</u>	<u>Palai tel</u>	<u>Total</u>
1)	Lamka North	08	03	11
2)	Lamk South	09	03	12
3)	Tanggam	06	03	09
4)	Phaipi	06	03	09
	Total	29	12	41

Chun, Synod Khawmpi thupukna khenkhatte:

- 1) *Office a semtu thak* : January, 2019 apatin A/S Office ah Rev. S. Genlianpau sem ding ti a hi.

Thupuan bu hi Judate sakhua leh khuhawmna bu lam tawh aki nai deu ah hiat a hin, kum zabi pani na nung lam ah ngaisak a law pan deu hi. Khawthang lamah chun Muratorian Canon, Ireneaus leh Tertullian ten a pawm vek ua, himaleh, Alogi in vang a pawm nuam puai. Khawsaklam in Melito, Origen ten a pawm ua, Dionysius in vang Chanchinpha Johan bu hi ama Johan khut suak ding in a gingcha thei puai. Ziaziak a chun khawsak lam in Thupuan bu hi Pathian Lekhabu Thiangtho ding ah pawm haksa pawl taka hi. Hebraite kiang ah lekthawt hi AD 70-80 hunlai ah zik ding ah ngai a hi. A zik tu hi Juda Khristian, Greek ho thugen dan leh thuzik dan hetak ding ah ngai a hi. Hebraite lekthawt hi khawsaklam ah chun pawm pai a hin, khawthanglam in pawm

pai a hi puai. Jakob lekthawt, I & II Peter, I, II, III Johan, leh Juda lekthawt te hi AD 300 ma lam a kipat in Huapzo lekthawt ti a hi tau. Khawsak lam achun mi mal kiang thawt a hi lo ziak in pawm pai ahak sat ua, khawthanglam a chun vang pawm a law pai ui. Kum zabi pali na tawp na lam in lekthawt te hi Pathian Lekhabu ah pawm a hi deu chauh ui. A pawmna ziak uh le Athanasius, Cyril, Nazian mi Gregory ten a pawm ziak uh hileh aki lawm hi.

Canon chungchang ah malatute.

Thuthung Thak bute Pathian Lekhabu ah pawmfel thei na ding ah makaite chu ziate hi a hui.

- a) **Marcion (AD 144)**. Ama hi Kochuam akipat ah pawt dawk te mapui pa a hi, Pathian lekhabu ding ah pawm ding in thuka zik leh Paul laa)

100 nung lam ah ngai san a law chauh hi a ti". A hin John Knox leh C.L.Milton te ngaidan a chun vang Paul ah thinung chawm khat zaw in Onesima'n Paul lekhathawt te hi a la khawm ah, athumapui ding in Ephesa lekhathawt hi a zik ding in a ging chau hi. A bang chu hi ta leh, II Peter lekhathawt zik hun lai a hin vang Paul lekhathawt haw hi lak khawm a hi ta, zia ban ah chun Pathian thu gual ah ngai a hi tai (cf II Pet3:15f). Marcion (AD 144) inle Paul lekhathawt 10 ahe chian ah Muratorion Canon (ca AD 170) lam ah Paul lekhathawt 13 te alang ta, kum zabi pani na bei masang a khan lakkhawm leh pawm a la hi tau hi.

Chanchinpha bu palite: Jesu thugen leh zilsaknate, kampau ah ki hil sawn na hi Paul hun lai in le a la ki thang ma ma ta; Chanchin pha bu pali tu ah I nei lai te thuma pui hileh kilawm tak, e.g. Q (Quelle) a ti teu hi AD

50 lamah chun a tual leng ta ma ma leh aki lawm hi.. Himaleh, Chanchin Pha bu ziak hun tak chu AD 65-100 zaw hi leh aki lawm hi.

Chanchi Pha buli te lak ah Marka zik hi, zik masak pen tia hiat a hi., AD 65-70 kikal ah zik ngei hi leh aki lawm hi, AD 75-90 kikal ah Matthai zik, AD 80-95 kikal ah Luka zik, AD 90 nung deu ah Johan hi zik ah ngai a hi. Matthai leh Luka te hin chu Marka lak ah chun Pathian thu chia pi dan pi ting tak anei tau hi. Kum zabi pani na hunkim lai vel a hin chu hiat leh pawm a law ma ma tau hi, zia bep chu hilou in AD 200 lam ah chun khawsak leh khawthang lam ah le Chanchin Pha bulite Pathian thu ah pawm haksat na anei ta puau hi.

Lekhabu dangte: Swalchakte nasep hi AD 80 nung deu ah Paul naseppi Luka zik a hin, Marcion hung nung lam in ngaisak a law ma ma hi.

2) *Manipur Area a ding ah Pro. Pastor thak lâk thu* : Manipur Area ah sem dingin Pro. Pastor thak pani te chu:

- a) Pro. Pastor Lallunglien Vaiphei B.A., B.D. (*Mata Pastor Bial ah um ding*)
- b) Pro. Pastor Khuplemlal B.A., B.D. (*Leijangphai Pastor Bial ah um ding*)

3) *Manipur Area sunga Pastor/ Pro. Pastor te nasepna zia gual hin lep thak a hi:*

Pastor/Pro. Pastor te:	Umna lui	Umna thak
1) Rev. Gintinthang	New Lamka	D. Phailian
2) Rev. Thangneipau	Kawlhen	Imphal
3) Rev. Lalpiaklian	Jiribam	ATC (<i>M.Th. zil ding</i>)
4) Rev. Khaisonthang	Phaipheng	ATC (<i>M.Th. zil ding</i>)
5) Rev. Th. Samuel Vaiphei	Imphal	Phaipheng
6) Rev. Thangtinlal Suantak	Chawnpui	Jiribam
7) Rev. Ph. Thianneilal	D. Phailian	Kawlhen
8) Pro. Pastor S.T. Thangthianlal	Mata	Lamka
9) Pro. Pastor Siamlalron Neihhsial	Lamka	New Lamka

4) **Mizoram apat Pastor hung te nasepna zia gual hin lemthak a hi:**

Pastor te	Umna lui	Umna thak
1) Rev. C. Zorammawia	A/S Office (A/S)	Synod Office (M/B Secy).
2) Rev. R. Lalawmpuia	Imphal	Lunglei Bazar
3) Rev. Joseph Lalnunmawia	D. Phailian	Guwahati (Ramthar)

5) **Mizoram apat Pastor hung thakte leh a umna ding uh:**

Pastor te	Umna lui	Umna thak
1) Rev. R. Lalhmingsanga	Diakawn, Kolosib	A/S, MA
2) Rev. Nicky Lalremmawia	Tanhrlil	New Lamka
3) Rev. Lalremliana Colney	Hnahlan	Sharonphai

6. Revival Speaker lak thak thu

January 2019 apat 31st December, 2019 sung Manipur Area Revival Speaker ding in Pu Khamlianthang (V.K. Thanga) leh Pi Hatthianlem te lak a hiu.

7. Vaiphei Bible Reprint latna

18th December, 2018 ni'n Kochuamin in a sut masak pen Vaiphei Holy Bible (BSI) Reprint chu Rev. C. Zoramawia in latna a nei hi.

8. Rev. C. Zoramawia thâkna

20th December, 2018 ni'n Manipur Area Kochuamte thasangin Rev. C. Zoramawia A/S chu Office Stafften thakna ankuan umpina nei in thilpiak le piak a hi.

9. Neihisal Veng Kochuam sawmdawl thu

21st December, 2019 ni'n Manipur Area Office in Neihisial Veng Kochuam Biakin leh Kochuam van suksiat a umte sawmdawl na'n Area Office in ₹ 10,000.00 (*Rupees Ten Thousand*) piak a hi.

10. Pension a chia

RMHS O/A, Upa Manglianthang leh RMHS Chowkider, Pu Siaklianthang te chu January 1, 2019 apatin a pension tau hi.

11. RMHS Chowkider thak

4th January, 2019 ni'n Upa Ngulkholun in RMHS chowkider na a sem pan hi.

12. Manipur Area A/S thak

Manipur Area A/S thak, Rev. R. Lalhminganga chu 5th January, 2019 ni'n a hung tung a, Office Stafften a Inkuan uh leh ama hung thakte vaidawna ankuan umpi a hi.

a chun, Lakhabu Thiangtho (Scripture) ding ah pawm ti leh Pathian lekhabu ding ah laklut (canonised) ti hi lunggil ah khen chuam thiam ding a hi.

1). **Paula lekhathawte:** Thuthung Thak bute lak ah Paula lekha thawte hi zik ma sak pen a hiu a. A lekhathawt lak ah a tam zawte hi Kochuam a phudawte tilkhona ding leh a chawpna ding ah a zik a hi pen hi. Tu ma lam ah Kochuamten a la gen dan ua chun I & II Thessalonika hi AD 50 vela zik a hin, Galatia, I & II Korinth, Rom, Philippi te hi AD 60 ma lam ah zik vek a hiu a. Suangkul tan lai ah a zik te – Kolossa, Ephesi, Philemon, Philippi te hi AD 60 nung lam ah zik vek hi leh aki lawm hi. Kochuam et kawlna ding ah lekha thawt te hi AD 60 nung lam ah zik ah gen a hi, a hin la tulai mitam zawk ngai dan in vang athi nung ah zik ding ah gin chak na lian pi a um tai. Tumalam deu a khan vang Hebrai lekha

thawt hi Paul lekhathawt 14 na hi ding ah gin chak na lian pi a um in, himaleh tuhun a hin vang zia gual ah gin cha tu vang a tam ta puau.

Tulai mithiam tam tak in Paul minpu ah lekhathawt 13 te lak ah paguk (Kolossa, Ephesa, I & II Timothi, Tita leh II Thessalonika) te hi chu Paula thi nung ah a zilsak kua ahem khat in a zik ding in a ging chau hi; zia ziak a chun Paula lekha thawt lawm panina (Deutero-Pauline) a tisek ui.

Paula lekhathawt te hi a tang pi in Kochuamkhat in haksatna a tuak teu suk kian na ding ah zik a hiu, ziaziak ah chun lak khawm ding ah guang gal le a hi puai. A khen khat te vang hi chia kual kual ding ah guang gal abang hi (e.g., Rom, Ephesa, Kolossa). A lekha thawt khen khat a mangthai a um nalai hi (cf. I Kor 5:9; Kol 4:16).

E.J. Goodspeed chun, "Paul lekhathawt te hi AD

lekhabu ding ah pawm a haksat chun, ziate gel hi Apostle-te khutsuak a hi ngei na diam? ti hi dawtna lian tak a hi.

Chuleh, a zilna hi a pawm tak na em? Zilsakna dik leh diklo (orthodoxy) hi tena paw maw taka hi kit hi. Thuzik tam tak hi Apostle-te min a zik chu a hi ngei nau, himaleh zilsakna pawmtak lou a hi ziakun pawmtak lo a hi'u.

A dawng tu te kawiphat na mun: Kuate â ding ah zik a hem ti leh khawitak mun ah kawiphat a hem ti hin umzia a nei kit ma ma hi. A tangpi in Kochuam pawimaw deute kiang ah thawt leh zia mun ah chu kawiphat – Syria gam, Rom, Asia Minor ah kawiphat te chun pawm a law deu u'i. Kum AD 66 -70 kidona ziak in Palestina ah Kochuamte a kithezak nasat bek ziakun, zia mun vel a hin kawiphat ti gen ding a um ta law puai.

Thuzik dam dawk: Kuate thu zik hileh le, a dam dawk hi a pawipaw hi, thu zik kibang chiat chiat a le a vangpha deu chu a um mai thei hi. Thuzik mang khen khat te: Korinth lekha thawt mang, Laodikei lekhat, Papias in Jesu thugen a lak khawm tite a mang vek mai hi. A hin lekhat neu cha Philemon kiang ah thawt chu a damdawk lak in a pang kit hi. Thil mak tak mai pakhat chu, "Pathian hatkhum" (*inspiration*) ti hi tena ah mat a hi kei puai.

Lekhabu zik leh lak khawm dan:

Thuthung Thak lekhabu ah pawmte hi atang pi in AD 45 – AD 150 kikal ah zik a hi deu vek ui. Zia Thuthung Thak bute hi ngainat law thim leu le, Pathian lekhabu ti in vang gen a law ziang puau hi. Lekhabu dang Thuthung Thak bu ding ah lak lut lote tawh gen pawl khawm in a um zing tho nalai ui. Zia ziak

13. Manipur Area Office hawn kit thu

Janurary 7, 2019 ni'n Manipur Area Office chu hawn kit a hi. Ziani ma hin Office Saff ten A/S thak, Rev. R. Lalhmingsanga chu Manipur Area Kochuam minin kipakna thilpiak a pia'i.

14. Pastor leh Pro. Pastor Induction Service

Anuaia gual hin Manipur Area sung ah Pastor leh Pro. Pastor-te umna ding Synod in aguat gualin 13th Janaury, 2019 (Pathianni) ni'n **Induction** neipi a hui. Zia gual hin:

<u>Sl/No.</u>	<u>Pastor/Pro. Pastor</u>	<u>Bial</u>	<u>Induction bawltu</u>
1)	Rev. Gintinthang	D. Phailian	Rev. R. Lalhmingsanga, A/S
2)	Rev. Thangneipau	Imphal	Rev. K. Jama Vaiphei
3)	Rev. Th. Samuel Vaiphei	Phaipheng	Rev. S. Lama Vaiphei
4)	Rev. Nicky Lalremmawia	New Lamka	Rev. Thangkhohen
5)	Rev. Ph. Thianneilal	Kawlhen	Rev. Thianganlim
6)	Rev. Thangtinlal Suantak	Jiribam	Rev. K. Neihzial, Co-ordinator
7)	Rev. Lalremliana Colney	Sharonphai	Rev. C. Lalngaihawma
8)	P/P S.T. Thangthianlal	Lamka	Rev. Jerry Zoliansanga
9)	P/P Siamlalron Neihzial	New Lamka	Rev. Thangkhohen
10)	P/P Lallunglian	Mata	Rev. Malakia Lalnufela
11)	P/P Khuplemlal	Leijangphai	Rev. C. Lalrinliana

15. Bial Khristian Khanglai Pawl Conference

Pastor Bial Khristian Khanglai Pawl Conference chu ni 25-27 January 2019, sungin Pastor Bial chuam chuam ten lawk takin a Bial chiatun Conference a mang thei u'i.



THUVAITHÂK

*Rev. R. Lalhmingsanga,
Administrative Secretary*

Manipur Area ah hung um thak ka hina tawh kitawn in Kochuam mipite zosia Lalpa Jesu minin chibai ka hun buk hi. Pathian lopi zia Kochuamte tungtawngin lampi chuam chuam in i mu thei a, lopi kasa ma ma a, ka kipak tak zet ahi. Kumthak a hi dungzui ah hung um thak ka hi baw k a, kochuamte thuvaithak tawmcha hun bawl ing ka.

1. Chia dan mumal nei a ngai hi

A pun ah I umkhawmna zosiau a hin kivaipuakna pha leh chiadan mumal tak leh administration pha I mamawu hi. Kochuam in a mamaw a, sungkuan in a mamaw a, pawl chuam chuam ten le I mamaw chiat u'i. Administration failure ziakin pawl tam tak a puksia gam ta ahi. Mumal tak leh pha tak ah kienkawlte chu ma a sawn ua, ma a sawn nasa bik ma ma sek u'i. Sungkuan leh Kochuam ah administration pha nei thei zel dingin pan la zel hi ti'u.

2. Member tam a pawimaw'i

Mi tawmcha sangin mi tam tak chun thil hitheina a nei zawu hi. Zia gual ma chun member tawmna puitu sangin member tamna puitu chun lulna a nei lian zaw'i. Thawlawm leh member tamna a chun a pung zaw zel sek hi. Zia zia chun member i tam deu deu theina dingun pan I lak zel uh a pawimaw hi.

3. La umna taphawt in nuam tak leh kipak tak ah umkhawm theina boruak siam in

Bang chan dam ding i hi'u em ti i hia puau hi. I

thu ah a mau chawm tu ding la a ma maw ma ma ngal ua. Zia gual din mun in ahun hin daw k chu; lekha thawt mang ah Pathian thu ah gal chawp a hi mai hi. Thuthung Thak ah lekthawt i mute'u hi le zia hunlai ah Kochuam te chawpna lekha a hi.

c) Zilsakna diklo dodalna ding ah zik a pawimaw hi: Khristian sakhua a hung kizak nasat dungjui in ziltina dik lo le hung pawt ngal ah, zia mite dona ding in Jesu chungchang zilsakna dik leh pawmtak zik a hung ngai ta a hi.

d) Hun hung chia zel in Khristiante chu Judate leh Rom solkar ngei in le a hung sugenthei tau a. Zia bep chule hilo in, gingtute lak ngei inle buaina khenkhat a hun piang daw k zel a. Zia gual boruak kal ah um gingtute tilkhona ding leh, amau zilgaina ding leh lamdik kawkmuna ding in Jesu

chanchin leh a zilsakna chu zik ah kawi a hung ngai ta a hi.

2. Pathian thu pawm ding ah tena ding te

Thuthung Thak bu lâk khawm pat a hi lai in tu ah lekhabu 27 te bep hi hilo a hui, Chanchinpha bu minpu, lekthawt leh nasepte bu tam tak a la um tau hi. Zia gual lekhabute lak a chun Pathian lekhabu ding ah bang gual te hi pawm ding a hi diam ti tena ding in tena pawimaw tak tak a nei ui, ziate chu a ban ban in vak en suk hi tiu.

Apostle-te khut suak:

Apostle-te khut suak a hinaw em ti hi tena pawimaw tak pakhat chu a hi. Amaw khutsuak chet a hilo leh le, Apostle-te thu leh la dawngtute zik a hi em, a hilo tawp leh le Apostle-te hun lai ami zik a hi ngei ding a hi. Thuthung Thak bu ah Thupuan bu leh Hebraite lekthawt hi Pathian

THUTHUNG THAK BIBLE HUNG PIAN

DAW DAN

Rev. Summinlian, Delhi Kochuam

Thumapui:

Thuthung Thak bu zik te hin a lim ah chun Pathian lekhabu ding zik a hi lam uh ti a kihe puau, zia gual ding ah chu guat le a hi diak puau. Jesu hi hung kit pai ding in a ngai ziak un, a chanchin zik ah kawitup ding le ala gaw diak puau hi. Himaleh, hun ahung chia zel ah, Lal Jesu le a mau kinep gual in a hung vak ziang ta pua, zia phat ah chun a chanchin zik ah kawi phat ding lungthim a hung nei tau a hi. Thuthung Thak Bible hung piang daw dan leh Pathian lekhabu ding ah pawm a hi dan zil ding i hi'u.

1. Thuthung Thak bu zik a hi na ziak te.

a) Jesu khawvel ah a len laiin vang a thugen te kha a kingak nau a hin, Jesu thi nung inle a zilsak te a kipat in Jesu thugen a gen teu kha miten a ging chau ah, gingtu masa te thagau lam ah chawmna ding in a hun tawk hi. A hin la nungzui te ngei le a hung thi zel ua, a dam sun te le a kithezak zo tau ah. Ziazia chun, Jesu thugen te leh a thil bawlte chu zik ah kawi

phat a hilo chun Kochuam mite â ding in hiatchian thei a hi ta puai, zik ngei ah kawi phat a hung pawm maw ta a hi.

b) Stephen martyr zaw in gintu te suk genthei na ziak in a kithe zak nasa ma ma ua, Jerusalem khawmpi lai vel a khan le Mediterranean gam tuam vel in gingtute a um zak nasa ma ma tau. A kikal uh a gamlat ziak in Swalchakte â ding in va vethak jung jung a haksa ta. Pathian

dam sung hun chawmcha a hin kipak tak, nuam tak, thlamuang tak leh kituak tak ah chenkawm hi a pha ma ma a hi. I insung chiat uh sunuamtu hi gaw chiat le'u hin, Office ah i sepkhawmpi te tawh kikal ah boruak pha tak siam tu hi tup zing leu hin. Zia gual ma chun Kochuam ah sepkhawmpi te tawh kikal ah boruak nuam tak siamtu hi gaw chiat leu hin. I nisin hun matkhawmna a nawp a hi chun i khawvel hinkhua'u hi a nuam a hi mai hi. La nisin hun mat sunuam theitu leh sunuamlo theitu chun nang ma ma la hi. Haksa tak ah um gawlo in nuam tak ah um gaw mai in.

4. La melma he zingin

Mitin hin melma i nei chiat u'i. Mani masialnate, duamana te, itthikna te, thatdana te, lululna te hi mihing in a hinpi zing a hi chun bang tik laiin le hinkhawmna hi nuam thei puan a. Ziate hi mihingte melma a hi'u. Paithak sik sek ding a hi'u. Mani masial leh midang itthikna sekte hinkhua a kipak ngai pua, mithada in kipakna a nei ngai puai. Zia ziak chun, lim leh kipakm tak ah la um theina dingin la melma he zing la, taisan zel in.

DAWTNA

Pathian mapuina zalin Kum 2019 i tungto tau a, Lapa chu pakin umta hen. I magazine Hinna Vâk fee hi kumbul ah hin kisung lut thei chiat sek leh kipak um ma ma in a. Kum tawp lam i ngak sek ua, i magazine hi ama leh a ma kitoddel ding ah guanggal a hi zia kin kumbul lam ah i piak thei uh chun kipak um ma ma ding ahi. Agent te kiangin Kum tawp lam ngak loin Kum bul lam a hin tu Kum 2019 a ding hile a la pe chiat dingin simtute i kichial hi. - Editorial Board

PATHIAN TAWH BANGKIM PAT KHAWM

- Rev. T. Zuanlal

“Ama a chun thil bangkim, vâh a umte, lei ah umte, mutheite, mutheilote, lalchutphate thuneinate, bangkim ama â dinga leh ama zia ah siam a hi” (Kol. 1:16). Bangkim zosia chung leh nuai a, muthei leh mutheilo. . . bangkim chu ama ah kipat ngen hi in, Aman a siamna zia mu thei a hi.” (Kol. 1:16). Pathian la bel lo chun la hinna la thiltup chu umzia neilo a hi” (Bertrand Russel, Atheist) La hinkhua â ding ah thil guanggal (purpose) nangma mimal sepdaw, la lunggil a thamuanna leh kipakna haw sanga thupi zaw a hi. Zialo a chun la sungkuan, la damsung khawsakna, la thiltup leh ngim leh la duthusam haw zosia sangin gamchengin a thupi zaw a hi. Pathian in zia leisiat chung a hin bang dinga hun um sak a hi em ti hi la hiatnawp chun Pathian tawh a bul la pat khawm a ngai hi. Ama lemkuatna ziaka khawvela hi hung piang la hia, ama lemkuatna ah pangkha la hi. Ama lemkuatna nuai a um kha kahi ti la kihiat chun kipak ma ma ding la hi.

Khawvel a mite haw ka lunggul pen (ambition)? hin damsunga tup pi pen Bang ahi em ka tunung â bang ahem ti suiin kum tampi ding ka duthusam pen? Eima a la buai pi tau a hi. Pathian leh eima zia dawtna haw hi tawh pang khawmlo in, ei kidawnga, i kikhualchil a hawnle, eimau ngaidanin bul hi chun, dam sung ah tup i la pan ua, eimau leh eimau pi pen kilang lo ding a hi. i kidawng ua. Bang ka hung Bible chun, “Ama khuta hi diam? Bang hung hi ka chun thilbing tinte hinna leh nuam em? Bang a hi em ka mihingte zosia hatna (breath) tup (goal)? Bang ahi em ka a um hi” a tia (Job 12:10). lunglutna pen? Bang ahi em La dam sunga la tuppipen

Chau leh ngui ah um ah kun mai hi a bailam sek bawk a, maleh kisukhangsan hi a kul sek hi.

Dik taka na la sep nak leh sawiselna a um lai inle chia zel in. Thilpha bawl na lampi la la zawtna chu kum thak ahin le zawt to zel in. Chia khak lona khel khel ah chia suak di tina ahi diak puai. Lampi pha i la chiana lui chu chiazawm zel di a hi. La nasep pha miten a sawisel ut lai inle lau him him kin, hangsan takin ding zing in ‘Thu dik panpitu Pathian chun a umpi lo ding lau kin’. Hat tak leh hangsan takin um phawt mai in. La thil bawl chu thil pha a hi phawt

chun gensiatna khawksa kin, zia lampi a chun Jesu kha a chia a, hiatthiam lo a law a, a tawp ah a khetden khawlaw’u ahi kha. Hangsan takin chia zel in, la chiana lampi a chun sukpuuk theilo di khawp in chia zel in.

Khawvel ahin thilpha bawl ten sawisel a law sek ui, ti hian la jam loin chia zel in. Hethiamlotu tam maleh lau kin, la chiana lampi ngai a chun chia zawm zel in. “*Thil pha hi ding ah Khrista Jesu ah chun siam ah um in ama khutsuak i hi ngal ua; zia thil pha bawl chu i um dan ding ua Pathian in a siam lawk sa ahi (Eph 2:10).*”

“Ka damsung kumte abin awl awl in chia tang ka,” ati (Isai 38:15).

Mosi pauchapna Sam 90:12 a chun, “Ka damsung niteu tiam ding dan ei ziltin,” ti i mu hi. Damsung ni man dan tiam thiam hi i mamaw ma ma ui. Tai hat talua, thil dang khawksakna neilo i hi thei u’i. Ziakiak chun i damsung ua hin awl ah chia dan i kizil uh a pawimaw hi. *Awl awl in chia tang ka’* ti tupa Hezekia kha a thugen zaw nung a khan pilthei taka a um tak lo ziakin a chia sual kit ta mai hi. Babulon te leng Merodak Baladan in palai a hun sawl kha Hezekia’n a sum leh a galthuante a etsak vek a, Pathian mitmu ah sual a bawl tai. Pathian in a tiam piak gual ngei in kum 15 chu a dam ngei a, himaleh a thil bawl dik lo ziakin Juda gam pumpi’n a thuak hi. Hezekia thi nungin Babulon te khut in sal ah a tang tau ahi. Awl awl ah chia a pilthei taka um

dingin Lalpan ei dawu uh hi. Awl awl ah chia naran chu a dik diak puai, pilthei taka chia di pawu maw a hi.

4. HAT TAK LEH HANGSAN TAKA UMDI

Mosi’n Joshua kianga mawpuakna (in-charge) a lat di kuan a khan a thugen pawimaw tak 4-vei lam a gen chu, *‘Hat tak leh hangsan takin um in’* ti hi a hi (Jos 1:6,8,9,18). Mihing hi ‘a hat sa leh a hangsan sa’ ti a um thei puai. Kisukhattua, kisukhangsantua a ngai sek tina ahi. Kum thak ahin *‘Hat di hun ab’* hat thei ding leh *‘Hangsan di hun ab’* hangsan thei ding ah kitilhattua zing a ngai hi. Mi hat ten a hatna’u a matthiam uh a ngai sek a, mi hangsan inle a hangsanna a manthiam a pawimaw sek hi. Chia khak lona chia hi nungjam a bailam sek a, himaleh kihansansak, kisukhat zing hi a ngai sek hi.

chu TV etna patte, Lekhabu minthang taktak la simna apatte, ahilo leh Seminarna la panna patte mudawk theilo ding la hi. Ziate haw a chun nangma bep kimu ding la hi. Nangma leh nangma hung kisiam la hipua, la hinna ziaak chu umzia neitak leh tup gil tak neia, siana um lahia, nangma leh nangma kihil theilo ding la hi.

Khatvei chu ka khual zinna lamin tang (Mountain) ah ka lampi ka mansua kha, keile ati dingdan helo in ka kichawl dam mai a. Ka gal langkhat lama mi umte chu lampi umdan kavak dawt ahileh, amau chun, “Tu la umna kipat chun la tun guatna, la chia guatna chu tung puanla,” tiin ei hil ua. La damsunga la hinna ziaak mu dawk dingin nangma leh nangma kienpumin mu dawk puanla tin, la tupna le tung puanla, la damsung â dingah thiltup chu mu dawk la nawp tak zet chun, nangma hun siampa Pathian tawh la kipat

khawm a ngai hi. A dawu gual supiting ding leh Ama â dinga siam la hia, adawu gual supiting ding a hing la hi. Pathian bep chu i bul kipatnau, i hinaw, i lulnau ahia, i tup pi pen, i hinnau teptenate, i tun tawpna dingte ama bepin eimu daww sak thei a hi. Lampi dang a hileh vang thina a hi.

Mi tamtak Pathian mat dinga kipe loin amau in a tup leh a ngim lamun Pathian mat a guau ahi, “Taksa lam thilte lunggul chu thina ahin, thagau lam thilte lunggul chu hinna leh thamuanna a hi” (Rom. 8:6) Lekhabu tamtak kasimna chun hinkhua ah thil tup pi pen mudawna ding ngaidan tamtak ei hil a. Ziate haw chun eima leh eima kipanpina ding lam aha gen u’i. Eima leh eima kipanpina ding lekhabu leh Kristiante natiang inle, damsunga la thiltup la mudawna dingin thugen lawk deu gualle hun hil mai khat in au. La suangtuana, la duthusam chu

ngaituain, la lulna kisuichian inla, tupna kichian tak laman kawin. La tupna kha zik than, tupgilin, zia lama chun chia in. Kithunun in, la tup mualsua dingin kimuangngam in, mi dangle hung kisala hen, la tup chu haisan him him kin. Zia gual ah kithu hilna hin lawtinna thupi tak a tut sek hi. Ahin la lunggila la tup (goal) le tung in, lawting inla, maleh Pathian in a hun siamna zia la damsunga nang a dinga a thiltup pi pen chu la mu dawczo, nailo nalai ding la hi. Nangma leh nangma kipanpiin ti thuhilna sanga lul zaw, la mamaw nalai ahi.

Eima leh eima kipanpi (self help) hi chu kipanpina bukim a hi puai. Pathian thugen manga eima kipumpiakna chu alampi umsun chu ahi. Pathian lampi eimau kimudawna ding, hinna diktak mudawna ding chu a hi (Matt, 6:25-33 simin). Zia hi eima leh eima kipanpina lekhabu ahi

puai. Chuleh, damsung ah khawsakna ding (career) duthusam (dream) guitunna ding, ahilo leh damsung thil guanggal (plan) mudawna ding le a hidiak puai. Adiktakin damsunga thil tam tak hi ding lati zing laiin, tawmcha hina dinga kihilna hizaw kha ding ahi. Ahileh, siam ah la umna zia bangtin la mu dawc em? Thil pani tel ding a um hi:- La têt masat ding chu ahileh - “Ngaitua lawkna (thillawkna) ahi. Zia hi mi tamtakin a têt ua, a ngaitua lawkua, ahisap lawkua, mi khenkhat chun hinkhua hi kala geldan gual a chu ahi” ati sekua, zia gual mite hin chu a mau ngaidan chu apha pen in angai uh a hi. Kum sang tamtak a beita, Mipil (Philosopher) te chun hinkhua chungchang a holimua, zia a holimnau a thupi pawimaw chu hinkhua thiltup (purpose) chu ahi.

Dr. Hugh Moorhead,
Philosophy Professor,
Northern Illinois University

chiat kidawng hitin u, i chiana diu lampi leh i chia di dan uh kisiam fel hitiu. Zu dawn ten le haisanna lampi, thawlawm pe theilo ten le piaktheina lampi, lungngai ten le kipakna lampi, thabei ten le taimatna lampi, mi sawisel hat ten le mi pakchatna lampi zawt gua chiat hitiu. Mi el zawng ah pauchap ten le midang a ding ah malzawl na hi gua hitiu. Mivaicha'n kum kit a paume sek hi tigual in i phat lona chi chuam chuamte chu kum kit ti ti taloin tukum ahin phat lam manaw zing hitiu.

2. PILTHEI TAKA CHIA A KUL HI

Kumthak ah a bul pat phat a pawimaw gual zel in kumtung ah pilthei taka chia a kul hi. I maitua ding uh thilte sukbutinna dingin matchak phalo mat chi ahi pua, matchak dik leh pha tak i mat uh a ngai ma ma hi. Chuti ahi zia kin pilthei taka chia a ngai hi. Israelten Jordan lui a kan ua khan kuama a

buai puau, mi pakhat ma'n le hinna a chan puau. Jeriko apat lui nâk lam mel 16 vel ah gamla Zarethan kiang ah um Adam khawpi kiang lei kitawl chun Jordan lui chu a huk bing a, tang lam ah kipat tui kha thiamputen a vak pal zing lai ua chun a hung kang tai. Tichun, Thiampute nung ah tawng 2000 kikak ah hung mipite â dinga chun tui pal di um ta loin lui chu a galkai thei tau hi. Pilthei taka thil a bawl zia kuh a hi.

3. AWL AWL AH CHIA ZING DI A HI

Pilthei taka chiana dinga chun awl awl cha chia a ngai sek hi. Mi kinawte chun thil pil thei takin a bawl man ngai puau hi. Judate Lal Hezekia chun thipi ding khawp damlona a hung nei a, Pathian kianga dam kit a dawn a, Pathianin a dawtna a san piak hi, Isai sawl in kum 15 dam kit di lahi tai ti thu a va hil sak hi. A dam kit nung a chun Hezekia'n,

amau chun la Airport chet chu a hiat lo uh le hin a, Kaisampat lam tung di kuan a chun a kihei vel vel ua, ka dawt leh Airport chia di ala hui a, Driver chu ka hil ua gari a dinsak a, a kum tau. Chuleh, Delhi nikhat chu metro in bazar kava kai ua, a token chu kichawi ah i chiana di gate a kha i vak kawih leh kihawng ziang di chu ka hia puau a, chia chawn thei loin sawtpi ka ding den uh ahi. Chia khaklona chia chu a buai um khawp mai hi.

Hun thak hi kuaman i mu ngailo uh ahia, i dam ua leh i mu ngailo leh i hiat ngai lo uh ngen mu ding i hui. A lelam ah chun kumthak hi lawp khel a ngai em, ti thei ahi. Mihing in i chan uh hun te hi nithak, tha thak, dakkal, minute leh second thak ngen ahi. Nisin mai hi kumthak ahi. Zia kumthak i mu ngailo, i hiat ngailo uh chu tui pal ah pal pan ding i hui a, nitin hinkhua hi bang tin i mang

ta diam uh? Chia khak lona lampi a chun bangtin i chia ta diam u?

1. BUL PAT PHAT A PAWIMAW HI

Thupil pakhat chun, “A bul pat phat chu a kimkhat zo gual a hi” ati. Lekha zilte le a bul ah kipan pha ngal te chun kumtawp ah a bawl hawi ngei ngei sek u’i. Nasepna chi chuam chuam ah le a bul pan phate chu a lawting ngei ngei u’i. *A bul pat phat na dinga chun bang tin i bawl diam uh?* Hun thak hun kipei dawkte a hin ti tak takna leh tupgilna nei taka hun i mat uh ngai ahi. Thiltup mumal neilo ah i um uh chun a tawpna chu lopi kei lodi ahi. Mani phak tawk ah bang ahem hi i tup uh? Bang gual ah um di i guau em? Khawi ah chia i tup uh em? Bang lampi hem i zawt diu? Thilpha lam/lawtinna lam/ gitlona lam/ u-le-nau huat zawng/ kochuamte hiluhai zawng lampi a hem i zawt diu? Eima

chun Khawvela mipil minthang Philosopherte, Scientist te, Lekhaziktute, Officerte mipilte, mi 250 vel kiangin lekha thawtin “*Hinna umzia bang ahem - What is the meaning of life?*” ti dawtna hi dawnhu dingin mi thiam haw chu a dawng kual vel a. Adawnhuna chu lekhabu khatin a sua a, Khenkhat chun ngaidan pha pen a piau ah, khenkhat chun a hinkhua thiltup a buaipi laitak uh ahil ua, Khenkhat chun bangma a suidawlo dan uh ahil kit ua.

Thil mak tak maikhat chu ahileh tamtak chun Professor Moorhead chun damsunga thiltup dan ahun le dawt get uh a hi. Vangphat um takin hinkhua umzia leh tup pi pen a dinga ngaituana dang aum a, zia chu ahileh Kilakna (revelation) a hi. Tuhin Pathian in athu kipat hinkhua chungchang a hun kilaksak dan ensuk hi tiu. Thil khat i mudaw, i hiatdaw guat ahi chun, hiatdawna bailam pen chu a siam tu pa

dawt chu a hi.

Ziaziakchun, Pathian dawt mai ding ahi. Pathian chun thimnuai ah ngaituana suangtuana vakvai mai ding in ei nusia lo ding ahi. Aman Bible akipatin thiltup panga akilatsakta ahi. Zia chu ei neitupa puihuaina dan, banggual a hing leh dama um i hi em ti genchetna, bangguala hinnan na sem, bangpen hi hilo ding ti leh tunung a dinga bang kineppi ding, ti haw chu ahi. Bible chun khawvel pilna (philosophy) lekhabu leh eima leh eima kipanpina lekhabu hawn a genchet phaklo chu a hilchian a hi.

Pathian thu chun, Pathian pilna chu thuguk, pilna kiselgu gualin ka genua, zia Pathian in khawvel umma ah i lopina dingua ala namdet tak chu ahi” (1 Kor. 2:7) Pathian chu i hinkhua kipatna mai hiloin a bulpi ahi zawi. La hinkhua Pathian thilguan la mudawna dingin

khawvel pilna hiloin, Pathian thu ah lutsuk in. Pathian thu lam ngan, La hinkkhua chu khawvel pilna mi suthatho thei, mi supil thei haw a kinga loin, kumtuanga thutak a chun la kingak ding ahi. Bible chun, ama dawidan leh lemguat dan ah thil zosia sem in, atup gual ah a guatlawkna chu, ama golua i hina ding uh ahi.” (Ephesa 1:11) Zia Bible châng hin damsung tup leh ngim kitawh kisaiin thil pathum ei kawkmui hi.

1. Jesu Krista tawh la kilaichinna (Jesu Lal leh Hukdampa la neina) zâlin la dam sunga Pathian thil guan tup chu mudawk thei ding la hi.
2. Nang in Ama Pathian chu la hawl masang in aman ahun mu zo kei ta ahi. La damsung â dinga a thiltup chu la hung pian ma dai a, a la guat lawk ahi tai. Pathian in nang hi a thil guanggalna git kual sunga chu ahun kawisa la hi tai.

La damsung khawsakna ding, la zi ding leh pawsal ding, la lunglutna leh a dang dang chu la tel thei hi. Maleh, la hinkhua â ding thiltup (purpose) chu la tel thei puai.

3. La damsung â dinga thiltup chu khawvela thil thupi haw gual ahi puai, Pathian in kumtuang dai dinga ahun guat piak ahi zawi. Pathian in mihingte ei buaipu mama ziangin, i sual ngaidamna dingin a chapa changkhat neisun a hun pia, zia bep chu le hiloin i pianma daiin in zia dam sung ngei ah ei â dingin thil ei la guan zo keita ahi. Zia a thil guanggal chu kumtuang dai ahi. Ziakiachun, Pathian tawh a bul pankhawm hitiu. Lalpan simtute a dingin malzawlta hen, Amen.

ZAWT NGAILO LAMPI ZAWT

*Rev. Thianneilal Vaiphei
i/c Kawlhen Pastor Bial*

Joshua 3:4 “Zia lampi chu zui kha lo lai la hiziak un, la chiana ding uh lampi la hiattheina ding un. Ahinla, amau tawh la kikal uh tawng 2000 ah kikak ahi zing ding ahi; zia sang ah naizaw ah chun la zui lo diu ahi,” ti’n thu a piau a. Chuleh, Joshuan mipite kianga chun, Kisuthiangtho un; jing leh LALPA’n la lak un thilmak hun bawl ding ahi ngal a,” a tia. KJV “*Himaleh thuthung thingkuang leh la kikal uh chu mun awng (space) tawng 2000 la umsak diu; la hung nailo ding uh, la chiana ding uh lampi la hiattheina ding ua la gal zui diu ahi. Aziakchu zia lampi chu la zawt khak ngailo uh lampi ahi.*” Tichun, Joshua chun mipite kianga chun, “*Kisuthiang un, aziakchu jing leh LALPA’n la lakun thilmak hun bawl ding ahi,*” ati.

“Zia lampi chu la zawt khak ngai lo uh lampi ahi” tihi Mizo Bible ledawk thak a chun, “La chia khak lonau lampi chia di la hui” ti a hi. Israel ten Jordan lui a kan dikuan ua chun, ama puitu Thiampute chu tawng 2000, mipi masang ah chia in tin u; a nai takluat lo diu, a gamlat takluat diak lo diu, tawng 2000 chet ah gamla a zui diu ahi ti hi Jordan lui a tun

masang ua a kigamlat didan uh thupiak chu a hi.

Chia khak lona lampi chia chu nawp bek lo ahi, gamman le bailam tak ahi. Nikhat chu Imphal Airport zuan lai nungak khat leh tangval khat Delhi zuan di winger in ka chuang khawm ua, Airport Gate ah hung din sak in tia Driver pa kianga gen di kha a gen hiamil ua;